

梅莊詩鈔

楊淞題



05401

梅莊詩鈔卷四

乙未丙

嗜痴集上

天津

華長卿

枚宗

讀兩當軒詩追弔黃仲則先生

乙未

峩峩五嶽莽填胸
麟在荒郊鶴唳空
太白忽生千載後
涪翁又到一家中
酒酣燕市悲殘骨
馬踏秦關泣落紅
如此仙才竟天折
敢攜奇句問蒼穹

獨上青蓮舊酒樓
少年傾倒眾諸侯
詩人祇合飢寒死
詞客空懷吠畝憂
身後萬金需俠士
生前幾日住常州
吟成一字千行淚
灑向江湖不忍流

早春感懷

梅莊詩鈔

卷四

一 東觀室

春色滿天地英雄
出草萊長空飛鳥盡
落日遠人來挂腹
詩千首撐腸酒百杯
嶽奇多少客都賺到金臺

讀袖石詩

夜讀袖石詩細字如蠶眠
一讀一擊節金石聲淵淵
奇語雜仙鬼浩氣兼幽燕
天地存私心獨與筆如椽
當世多腐儒皓首逃詩禪
視之疾如讎叩之心茫然
亦有倉父輩井底鼃爭喧
不見大官廚枵腹空垂涎
風雅久不作塵窟才無權
騷壇大將旗舍子誰能攀

我愛袖石詩兼效袖石體
廿載弄不律嗜痴情靡已
豈無鱗角心頽風挽正始
所患筆力弱操觚每率爾
盥手

讀君詩如浣斑螭髓焚香讀君詩如煇淳泥紙癸甲兩
年間歐血搜囊底三百十一篇數若毛詩紀驥尾附鶩
駘卷中附長卿和詩四章笙詩差可擬拜石復拜石華嶽歎觀止

東袖石兼懷馬鶴船

壽齡

心服惟邊讓神交有馬周才奇天亦妒筆橫鬼應愁塵
世高飛鶴功名不繫舟長安春似海洗眼待同游

春日書懷

春在梅花第幾枝東風吹到豔陽時嚴冰十丈隨波盡
旭日三竿出海遲鬢髮蕭騷愁裏覺頭顱顛顛領鏡中知
何當痛飲磨麻酒醉把鉛刀斬亂絲

梅莊詩鈔

卷四

二 夏觀室

少年客氣黯然銷白屋青鐙伴寂寥前路茫茫昏似漆
舊愁袞袞亂如潮泥沙過眼憑詩洗壘塊填胸仗酒澆
竿木逢場萬人海好排弓矢射金雕

婦病

婦病成消渴寒宵思飲冰殘鑪煨冷藥愁帳閃昏鐙
嗔音難辨呻吟力不勝小兒慙尫甚啼到早陽升

內子飲杜君藥驟愈詩以誌喜

全仗刀圭力沈疴一旦蘇無緣逃苦海有淚灑窮途因
果參詩卷生涯問藥鑪羞言兒女態鄭重影相扶

聽雨

東風吹不起小雨灑空庭春自天邊洩人從枕上聽壞
雲埋徑黑溼氣逼鐙青誰唱淋鈴曲深宵夢未醒

枕上口占

雨溼柝聲死模糊聽不真荒雞鳴似鬼窮鼠躍如人夢
裏吟成癖愁中老此身所懷多志忒徹夜轉風輪

出門吟

雨亦悲離別欲畱行人住射壁搖昏鐙亂夢墮何處淋
冷復淋冷如對詩人訴斷續不忍聽晨雞啼遠曙忙束
征夫裝欲去屢回顧病妻弱不支刀尺何人助癡兒嬾
攻書廢學恐有誤誰憐范冉貧黃金那可鑄熒熒無所
梅花詩鈔

卷四

三 東觀室

依依哀向天諱三載守蓬廬未踏長安路今日始登車
恥學邯鄲步曉風吹大河暹陽動高樹怪鳥四五聲似
勸公無渡快著祖生鞭爭獻相如賦僕僕逐黃塵前途
日已暮

安平道中

急雪銷無迹春光冷暮秋風高沙橫捲河漲水爭流野
樹亂于髮荒墩圓似疣殘宵月初墮鬼火上更樓

古薊門行

薊門壞樹中心空斑斕血跡畱深紅沙埠對峙高矗矗
鷓鴣格磔號悲風行人到此愁下馬荒城頽廢埋殘瓦

骷髏朽蠹苔花斂窮途淚墮空盈把昔時蕭后號感天
曾於此處焚狼煙雄兵十萬陷白刃至今冤魄沈幽泉
夜昏奇鬼作人語挪揄惡狀驚行旅生前同攫諛墓金
餓魂尙解婆娑舞紛紛燐火散如星陰芒亂鬪宵光青
皦日一出影不見惟聞戰血鑿風腥古墳纍纍無人掃
則足翁仲臥衰草牧童拾得碎城甃獨立斜陽拋去鳥

寓中雜詩

擬學參禪伏毒龍晝長偏覺樹陰濃榆錢滿地無人拾
野鶴一聲僧打鐘

緇塵拂拂颺金臺問訊何人解愛才冷澹梅花知己少

梅莊詩鈔

卷四

四 東觀室

破門獨有鶴飛來

謂馬鶴船

窗篩破月樹參橫亂夢惺忪到五更枕畔有詩吟不得
最銷魂是曉鐘聲

大沈詞華小沈書

謂桂勛葵軒昆仲

一般傾倒馬相如酒酣耳

熱悲含淚抵得窮愁萬斛珠

接家書知筠莊弟

長吉

縣試冠軍喜得二律

忽得子由信離奇字數行驟逢青眼願頗羨白眉良骨

挾嶽崎氣聲馳翰墨場酒酣呼李賀不數姓名香

竟拔軍中幟羣推第一人無錢經萬選有淚慰雙親闔

邑休相妒全家莫厭貧文壇鏖戰後珍重苦吟身

送袖石歸任邱

登高望滄海壺嶠巍峩峩上有珊瑚樹丹碧交枝柯就
中第三株丰采九婆娑遙遙漢司馬苗裔英才多頭角
嶄然露齧齧工吟哦趨庭來沾上愛我文不頗結納以
詩句努力爭琢磨七言繼蘇李五字嗤陰何君詩如長
江我欲揚其波君詩如奇峰我媿升其阿相交四五載
風雪猶經過羞爲噲等伍不顧庸流訶肝膽鑄金石投
契非媿嬰奈何舍我去遽唱驪駒歌易水夏生寒長揖
別荆軻

堂上有雙親白髮甘苜蓿解組賦歸與空船聚骨肉元
梅莊詩鈔

卷四

五 東觀室

方工書法筆埽千毫秃無忌酷似舅阿買頗類叔佳兒
雛鳳聲良妻連理木定有前生緣消受人間福賤子初
識君相見自縮慙蕭齋椽打頭琳瑯書滿屋入座生春
風雜花馨馥馥奇文供我賞異書借我讀挑燈靜夜譚
月影簾紋蹙欲別那忍別潸潸淚盈掬古壁閨莓苔離
亭飛蝙蝠詰朝挂帆去休作窮途哭

曙色動暹陽曉風吹楊柳此景難爲別言念詩人否離
家十餘年住我津門久君今歸故鄉反似牛馬走園荒
松菊存佳氣滿戶牖埽徑來故人里黨邀杯酒虞邱多
望族首屈孝先後腹笥誇便便醞釀無不有君去騷壇

隕錦囊血空歐欲參玉洞書疑義無人剖誤讀金金字
錯謬無人糾高寄蓮潘彤馬鶴船間舍子誰與友摻祛

畱不住臨風獨搔首送君立蒼茫思君腸回九三疊當
陽關長卿再拜手

小梅師賜題拙集依韻奉和

香到梅花得賞音愛才情比受恩深草元亭上搜奇字
竟許侯芭抱膝吟

天涯誰識不羈才新詠無端到玉臺老鳳一聲山月墮
桐花滿地酒人來

秋夜感懷

梅莊詩鈔

卷四

六 東觀室

滿目悲秋色瓜廬寄此身焚香非佞佛對月易傷神縮
地尋良友呼天哭老親自知無媚骨甘守范丹貧
幸有天憐我磴礧日夜磨酒懷因病減詩思入秋多苦
海填書癖愁城錮睡魔牛衣休灑淚未必老巖阿

史記爲狐鼠所壞詩以弔之

馬遷遭腐刑發憤成史記上下三千年五十二萬字簡
策缺十篇少孫補其意後有小司馬索隱及巢燧裴駟
撰集解徐廣作書義臣瓚如淳輩訓詁分同異良史首
龍門紀傳多創例游俠進奸雄貨殖崇勢利蠶室秉筆
時咸寓窮愁志堪笑班孟堅剽竊無慚媿當世誦其文

難免良朋累後世藏其書翻來造物忌或罹水火殃或被蟲魚噬何以冥眇中大用忽擯棄余家來海上代有詩書嗜簞錦大薑芽不乏便便筇舊藏十七史愛惜殊珍闕板鐫汲古閣字字珠琳萃常山相國家

書爲眞定梁氏故物

什襲已數世輾轉到蓬廬拜謝等天賜充棟數千卷滿紙珠光膩浩翰讀難盡縱觀壯奇思陰雨搜紅蟬炎夏勤曝曬不料文字厄咄咄稱怪事狐鼠餓不死昏夜跳

魍魅狼藉嚙將殘汗穢雜溷廁長恩守不住釀成筆墨崇有如正直氣不敵奸邪熾又如老成人無端遭別劇

脈望艱然怒論說等遊戲始皇喜坑儒

秦始皇本紀及高祖功臣侯年

梅莊詩鈔

卷四

七 東觀室

表兩卷訖 報復到名位沛王罵功狗菹醢及苗裔古人

意難測令我心惴惴責我不能讀困境乏靈慧嗤我不能鬻措大拋窮淚叔世賢不容競以妖爲瑞大聲呼子 長斯文眞埽地

得袖石書卻寄

閉門懷舊雨曠隔幾由旬咄咄奇男子哀哀古鮮民所遭同一哭何處寄斯身縱有書千卷無方可療貧

莫灑西河淚

時袖石喪子

辛酸益母愁紅燈離綠字白屋擁

緇裘投筆興長歎驅車擬壯游有人滄海上埽徑待羊

求

酣秦奇窮味殘年咀嚼深鑿山埋餓骨鑄劍殺愁心名
姓甘淪落文章恥浸淫破琴彈不得天地幾知音

飛來一百字

書中附念
奴嬌一闕

一字一纏綿境苦非關命情真

可有緣錢神禳作祟詩鬼鍊成僊馭僧休生妒人專始
可傳

送桂舫舍人之沂州

纏天絳雪搖濛濛斗杓北指行人東情絲萬丈縮不住
馬蹄碾鐵號酸風沈郎腰亞邊韶大賦擬班揚文崔蔡
騷腸挾骨莽填胸廿年交契鍼投芥五陵春色流丹霞
拍肩醉折櫻桃花紫鳳飛去青鴛哭羈魂骯髒東陽家
梅莊詩鈔

卷四

八 東觀室

銀牀三載羅幃冷殘月無情照孤影觥觥侍御繫紅絲
織女黃姑爭引領盈盈沂水春風香裙裾綵繚鳴環璫
帝遣雌龍賀瑤島雙成瑟間飛瓊簫篆鴨溫麝薰雀腦
瓷餅豔吐宜男草鳳閣移來校字鐙照填一曲人間好
送張節菴下第之杭州

鍛羽聲聲叫鷓鴣季鷹落拓始歸吳坐無梁甫吟難續

舊館于星
子先生寓

路有袁絲興不孤

與錢塘袁
君同行

十月星霜鞍馬

健大江風雪浪花麤情深沾上休回首我已埋名混釣

屠

蘇隄楊柳六橋煙一別西湖已七年夢裏高堂添白髮

客中長物剩青瑣科名罷耗劉蕢策壯志銷磨祖述鞭
京兆畫眉宜早學東風吹綻並頭蓮

約于明春北上就婚

節菴既去愴然有作

憔悴江南客秋增庾信哀馬蹄隨月去鴉背帶霜來荒
草燒仍長殘花落不開他鄉莫回首駿骨賣燕臺

津門懷古

丙申

紅霞一片海潮生野樹籠煙雨乍晴欲問漂榆舊時路
亂鴉爭噪角飛城

豆子甌邊地不毛海雲湧水去滔滔野人穿井深千尺
掘得隋時破鐵刀

梅莊詩鈔

卷四

九 東觀室

子牙河畔櫓聲哀千古漁翁剩釣臺一櫂扁舟三十里
蓬蒿夾岫野花開

帽影鞭絲不暫停曉風殘月短長亭行人下馬攀條去
飛絮粘天楊柳青

離離芳草富家村董永流風今尚存沽水無聲春浪煖
菜花滿地上河豚

兩岫樓臺似畫圖酒旗風裏叫提壺蜻蜓亂颭三叉水
一片鼃聲小直沽

黑堡城南古戰場腥風吹墮月昏黃髑髏帶血無人掩
磷火成團出短牆

海灘鹹水綠波故道誰知溯九河捕蟹撈鰕忙不了
祇今誰唱飯牛歌

途中寒食

咫尺青雲路功名唾手難東風吹馬首柳色滿長安寺
古牆傾佛墳荒土鬻棺紙錢飛不起鬼食定愁寒
何必無家別征人始斷腸樹多風力勁河近水聲長塞
草粘天綠邊沙捲地黃京華居最好休說早還鄉

送王成言之滇南

欲展鵬程志飄然賦遠游此行同泛宅有客莫登樓弟
妹迎雲棧妻孥載月舟故人拚一醉檢點鸚鵡裘

梅莊詩鈔

卷四

十一 東觀室

鑄就神仙骨珊珊信可人十年真好客萬里更尋親宦
海官聲富滇池柳色勻行程須努力囊橐莫辭貧

哭繆星潭同年

一聲鵬鳥破空來啼血剗心最可哀天上罡風摧玉樹
人間舊雨黯金臺愁魔有命休祈福病豎無端解愛才
腸斷朱顏蕉萃盡夫容江畔爲誰開

束髮騷壇已冠軍

郡試曾列第一年甫十六

翩翩丰度自超羣江郎

筆彩非關夢荀令衣香不待熏同榜詩人惟愛我異鄉
書記正需君然藜天祿終無分地下先修及第文

詠絮才華信有無

謝夫人歸寧未反

玉顏三載傍蕪湖家貧身

爲功名死情重人爭姓字呼千首詞哀心血耗雙親夢
梗淚痕枯春風慘澹長安月痛殺高陽舊酒徒

謂葉伯華周艾

衫兩太史

北邙山下葬詩魂白骨埋香玉不溫薑桂性成參妙果
芝蘭心苦護靈根科場沒世緣難了才鬼同聲淚暗吞
好熱旃檀攜麥飯青燐隊裏弔王孫

宿安平

迢遞長安道驚沙沒馬蹄風聲藏古木河勢抱長堤培
塿高于屋帆檣密似籬吟魂棲不穩愁聽五更雞

渡河

梅莊詩鈔

卷四

十一 東觀室

懊惱東風鬢欲皤升天片片怪雲多柳灘蕎麥初經雨
布穀聲中喚渡河

哭張節菴茂才

鉞

越江鳴咽吞湖黑愁雲黥星無色羈魂一縷向北飛
蒼天不語情難測張生文采殊翩翩臨風玉樹人爭憐
海上青琴許同調知音一去成哀絃空衙蕭瑟紅搖燭
飢鴉生啄連理木跋浪排山宇宙昏昏魍魎嬉笑蛟龍哭
酸風苦雨悲若敖紙錢百萬空中燒豐碑應泐張童子
幽壙堪依左伯桃燐火如星逐冤魄淚眼仰天看太白
玉樓咫尺近元虛從今休上劉蕡策美人悵望隔天涯

六郎枯萎紅蓮花劫灰甘作巫咸死醉臥堯峰擁絳霞
癡情願化雛渠鳥高飛同瘞蓬萊島觸骸碧血豔生香
返魂誰種紅心草啾啾鬼唱鮑家墳孽緣噩夢攢乖氛
相如不解談因果欲問成都賣卜人

送樹君師之大名

大雅今復作高誼凌軒空吹噓到枯骨補罅天無功
觥宛宛陵胄筆掃千夫雄詩以寫性情羞言窮乃工九河
日趨下誰解挽頽風元音追正始律呂調黃鐘大聲發
水上凡響皆瘖聾百尺竹間樓珠玉森羅胸皓首弄不
律鉛槧經春冬梅花起詩社壇坫羣推崇贈答學公幹
梅莊詩鈔

卷四

三 東觀室

詠史擬太沖豈無下里音汪度咸包容鰕生嗜吟嘯獺
祭蚩雕蟲初登彭宣堂陋器勤磨礱復入崔儵室闔奧
堪追蹤長城互萬里奚慮偏師攻褊心寡所服獨奉曾
南豐魏郡古太守高曠今陶公英風振昭代抗志詩書
叢曰當代詩人無過宣城翁一紙來沾水致聘同旌弓
三輔多畸士詩學超儒宗所患攜摭少澗底盤虬松搜
詩如搜才巖谷窮華嵩選詩如選兵百鍊精隆衝幽并
豪俠兒越石人中龍燕趙忼慨士慶卿殊難逢上下二
百禩併入選樓中渤海高達夫妙筆攄長虹手輯萬餘
首素志將毋同吾師投袂起此役休辭慵多收十斛麥

甯食三斗蔥驅車策駑馬六月暹陽紅炎風吹短草壞
雲攢奇峰望望古沙麓詩思隨飢鴻回首眇滄海天半
朱霞烘

莊光私印歌爲高寄泉作

男兒生不能佩印相六國胡爲埋首耽翰墨又不能竊
印奪三軍胡爲瞠目窮邱墳佩印竊印俱堪鄙高君得
印沾沾喜妙手寫生繪作圖莊光名氏精鐫摹避明帝

諱易嚴姓差類席籍與賀慶成都高隱號君平

君平名遵先生

亦名遵疑後改名光

先生變姓兼逃名助安青翟非同族子孟霍光

子夏

孔光

佳名辱逸民豈藉私印傳物以人重二千年銅

梅莊詩鈔

卷四

三

東觀室

質瓦鈕形模古篆文繡澁啞綬組靈爰赤伏隨煙銷黃
金官印拉雜燒剩有衛青同李廣先生故物眞無兩當
年口授君房書押尾倒印呼狂奴或者投札吳門卒丹
砂印字光咄咄晁克叔夏顏姜夔趙孟頫譜不存此印後出
琳瑯尊諫議大夫不屑就王良印鑄沛郡守朝耕富春
山暮釣嚴陵灘客星光怪犯帝座故人夜共文叔臥殿
中司馬關內侯對此減色空含羞祠堂頽桐江冷四家
子姓漁樵等七里灘邊畱釣臺畫眉聲裏先生來吁嗟
乎漢代古印殊難得得印儼立先生側不遇高君誰物

色

秋暮入都臨發寫懷示筠莊

風吹餓骨不勝寒
王粲依人始跨鞍
韋佩怒從愁裏折
蒯緱怕向客中彈
心灰厭說分金易
齒冷休歌行路難
古道垂楊應笑我
一年三度入長安

隄廡不律老雕蟲
憎命文章況未工
窺鏡乍驚潘鬢改
閉門誰信阮囊空
綈袍黯澹憐張祿
絳帳凋零泣馬融
人海茫茫竿木戲
摩挲頭頸問蒼穹

白眉丰采自嶽奇
棣萼生香笑豆萁
詞壘競誇千里馬
文壇同作五經師
聯牀風雨鐙前話
春草池塘夢裏詩
子弟成行皆待教
清門全賴汝撐持

梅莊詩鈔

卷四

十四 東觀室

漫道相如愛遠游
飢驅祇爲斗升謀
應劉才調空垂涕
溫李風懷易感秋
絲竹中年悲楚些
功名何日佩吳鉤
岑牟單絞誰能識
刺滅狂奴冑浪投

湖渠

策馬湖渠路寒沙
水不深橋危疑虎
臥濤急學龍吟白
日歸荒墓青山出
密林豐碑多没字
費我屢搜尋

讀黃石齋先生集

閩南蔚崧嶽誕降
眞鐵漢東髮負異
質經史窮淹貫占
星喜推測談兵妙
籌筭奇語出空山
狂歌鄙絳灌中年
入理窟朱陸釋冰
炭壇坵張海濱都
講忽成萬報國効

貂璫原情救鄭鄴溫周秉國鈞一似麒麟植廈傾獨木
支釜漑勞薪爨叔季多偉人先生爲之冠出處玉五德
文章金百鍊漳浦流忠魂浩氣塞天半

寓齋不寐

欲雨不成雨秋心一味涼空階聞落葉幽室暗燈光戀
夢衾如鐵撩人月似霜殘年誰骨肉愁作校書郎

織簾書屋同雲巢舅氏夜話

書屋小于舟夜氣涼如水鐙影蹙簾紋爭說徐無鬼
長安十載居吳苑三年住詞氣凜須眉誰學邯鄲步
經濟非文章儒林出循吏霖雨慰蒼生不負東山志

梅莊詩鈔

卷四

五 東觀室

楚寶搜羅盡燕臺聲價殊千金揮翰手浴紙貴三都
南海波千尺西風雁一行琵琶聽不得老淚落清商
韋杜家聲富飛仙落鳳池不言溫室樹棲穩上林枝
忼慨魏陽元潦倒何無忌故宅傍龍亭詩人待吐氣
舊業青瑣冷新愁綠鬢華韓門高弟子零落賸劉義

斷句

杜宇聲聲勸客歸空庭敗葉攪天飛殘年欲射南山虎
笑著征人短後衣

馬上口號

馬上看山色重陽客裏過功名催鬢短風雨送愁多亂

樹雷燕壘孤帆走潞河隻身誰共語伴我有詩魔

烏夜啼

涼月墮窗鐙欲死美人夢覺扶衣起一聲兩聲啼未已
聲聲送入紅閨裏寄語西風莫倒吹行人聽此心含悲
送寄泉之大名

雞聲膈膊唱驪歌舊雨飄零一剎那壯士離家愁緒少
窮冬送客淚痕多五言樂府金鍼度廿載名場鐵硯磨
馬上詩人須努力蕭蕭冰雪莽關河

梅花開到晚香亭巨眼能垂阮籍青

謂見
薊師

我輩應修循

吏傳天涯誰草太元經好畱鴻爪傳燕趙休畫蛾眉鬪
梅莊詩鈔

卷四

六 東觀室

尹邢二百年來文字鬼一時都在暗中聽

夢袖石

不見邊生久今宵入夢來故人千里別笑口爲君開紅
豆傳三影金尊訴八哀閉門多歲月媿乏箸書才

題芝仙關中負笈集用小梅師題拙集韻

浣花異代有同音更得秦風醞釀深棧道連雲三百里
時聞天半鳳鸞吟

負笈情多慰愛才一時僮父盡輿臺怪君筆挾峻嶒骨
飽看嵩高華嶽來

再疊前韻柬芝仙

破琴曾許訂知音山水輸君閱歷深匣裏劍光終不滅
每逢風雨作龍吟

廉吏兒孫著作才相期攜手上瀛臺前身同得如椽筆
豈爲模山範水來

送心巢歸任邱

東漢傳文苑奇才數二邊姓名千載共兄弟一時賢聞
望圭璋重交情鐵石堅相如慙賦骨閣筆上林篇

汪汪千頃度曾到水晶宮夏間有覆舟之厄才大蛟龍忌愁深

鬼蜮攻紅珊收鐵網皤腹吸金虹策馬河干去休乘破

浪風

梅莊詩鈔

卷四

七 東觀室

生就如椽筆揮毫鄙墨豬情耽摩詰畫神肖率更書雜
紙三都貴騷腸萬斛儲久虛天祿閣正字待君除

海上聯同調青琴始一彈恥隨時態薄爭學古人難壯

志頻看劍歸心穩跨鞍卯君相見後道我問平安

冬日書懷

冰雪堆中一楚囚青燈炯炯射雙眸年催馬齒增羞澀
名繫牛心苦校讎秦篆偏旁宗許慎漢碑結搆勝鍾繇

談經虎觀知何日且作人間第二流

拋卻林宗塾角巾埋頭莫現宰官身詩人大半歸科第

才子從來耐賤貧韓愈奇文休送鬼魯褒妙論枉通神

平生不識金銀氣恥向銅山問夙因

茫茫宦海凍生波鐵甲將軍喚奈何徼外荒沙埋恨少
天邊明月照愁多男兒甘作優婆塞國士羞稱曳落河
屈指幾人恩未報寶刀寒帶血腥磨

一字珠璣百鍊金梅花空抱歲寒心鄒枚詞賦青雲隔

嵇呂交情碧海深易水難忘漸離筑高山誰鼓伯牙琴

輓歌人已歸蒿里腸斷江干淚滿襟近為星潭執紼

高適才華古錦囊寄泉楊修不分禰衡狂蓮卿傳家學圃千

秋業濡墨毫生萬丈光車笠心傾孫北海子甘雁魚愁絕

沈東陽桂勗久無信至青門俊侶便便腹每見元方憶季方心巢

梅莊詩鈔 卷四 丈 東觀室

袖石昆仲

桃李門牆幾度栽南州高士住蓬萊芝仙陳琳草檄騰三

殿靜菴王粲登樓詠七哀振青豔說姚崇揮翰手玉農菊坪羣欽

解系挾天才秋舉封胡羯末亭亭立家葵生竹生為我先營避

債臺

短髮飄蕭鬢欲絲懶填黃絹外孫辭崔鷹有室貧纔入

賈誼無官樂可知掩耳怕聽思舊賦傷心愁誦補亡詩

劇憐南阮誰相顧蠟屐殘年太覺癡

底事朝朝出北門囊貧省識舊王孫臨河船似驚鴻集

夾巷人如狡兔奔關盼樓中休注目秦宮花裏最銷魂

長陵小市匆匆過渴吻誰澆酒一尊

華冠羞插侍中貂珠箔銀屏久寂寥措大忍拋千點淚
美人橫舞一枝簫改將白眼垂青眼奪得黃標更紫標
試上通天臺上望紛紛知己賦劉歆

少年思作執金吾酒後談兵笑灌夫司馬文章辭狗監
封侯骨相屬人奴身原無賴空求友生本多情莫學儒
逖迹煙霞三十載仰天撫缶叫烏烏

猛虎行

悲風捲地枯草動野狐竄伏飢鴉恐敗葉搖樹月墮山
驚雷躍出毛斑斑食肉不辨心肝苦於菟夜半逢周處
梅莊詩鈔

卷四

九 東觀室

男兒羞佩赫連刀短衣徒手稱人豪山中猛虎今時寡
虎頭競仗虛威假封使君滿天下

梅莊詩鈔卷五 丁酉至己亥

嗜痴集下

天津 華長卿 枚宗

早春喜袖石來天津 丁酉

自別梁園客情絲萬丈纏吟魂催昨夢交道感經年沽
水波無盡河橋月正圓中州行迹遍腹笥更便便

東風吹舊雨海色湧詩來酒國膏騰入騷壇頃刻開賈
生辭雪苑郭隗重燕臺駿骨甘雌伏無人解愛才

攬轡中原去黃金鑄此身鄒枚誰賦手燕趙幾詞人問
字休饒舌偷聲恥效顰空青

袖石詞集

千萬疊陽羨有丰神

重到楊雲宅羣居屋兩頭挑燈度元曲把酒話樊樓文

梅莊詩鈔

卷五

一 東觀堂

采推坡頽詩名繼應劉狂歌無和者放眼小齊州

謝袖石校定拙集

雞壇傾倒弟兄行取我狂歌細品量姓字敢期畱宇宙
功名原不藉文章琴逢牙曠音難闕藥得參苓味較長
此事推君誰抗手海天春色正茫茫

題澹音夫人環青閣遺稿

橫雲萬疊攢簪珥天遣女星照沾水詩卷常畱舌眼間
一片吟魂終不死琳瑯彤管貽清芬摘藻笑嚇凡釵帚
紗幔不容低首拜令人卻憶宣文君我今捧讀環青集
江雨欲來山鬼泣白雪行間珠玉霏黑雲筆底蛟龍吸

蘆花吹起雁聲秋驛柳纏綿詠絮儔更有七哀新樂府

毫端寫盡半生愁春暉喜種階前草謂蓮卿彥卿昆仲過門誰

冑題凡鳥畫荻儘教識字多彈琴得遇知音少草元亭

畔芭菜來庇人北海金尊開李斯小篆鍾繇隸全付淋

漓著作才鯁生束髮耽詞賦文場恥被浮名誤白眼何

來阮籍青紅牙不許周郎顧我亦丸熊受教人九齡陟

祀淚沾巾織餘詩稿煙雲散先慈詩多散佚僅存斷章零句而已難覓菁

莪未了因振觸瑤編重盥手不櫛進士堪為偶不櫛吟會稽潘

虛白夫人著夫人與先慈為中表姊妹海上雙峰插碧霄古之鮑謝今歐

柳賤子學詩十九年錦囊嘔血成千篇郊寒島瘦無人

梅莊詩鈔 卷五 二 東觀室

賞好藉名媛卷裏傳

送樹君師之任永平

振鐸盧龍道高年仕宦纔鶯花催夢去山海送詩來官

勝神仙尉人欽著作才渝關三百里紅杏傍誰開

長夏讀史記得四五六七言短句十章

今年焚書明年阮儒矯立胡亥冤殺扶蘇乘輜涼車遺

臭鮑魚三十七年奇貨可居秦始皇

太公陷楚軍先後三年久置俎乞分羹迎門任擁帚親

恩既忍負何有于功狗若非用三傑漢中亦難守漢高帝

天意偏鍾呂氏男女皆有奇才眼見祖龍屠死又看野

雞飛來

呂后

可憐國士說無雙，雲夢歸來氣未降。
貪戀侯封思蒯徹，何如垂釣老寒江。

韓信

一椎驚破祖龍魂，不報韓仇報漢恩。
莫道清門無將種，淮陰猶是舊王孫。

張良

相國安知獄吏尊，功名白首幾人存。
李斯地下應含笑，黃犬重牽上蔡門。

蕭何

起家刀筆恥爲儒，老作平陽一酒徒。
死後奇功歸絳灌，冑隨諸呂事娥姁。

曹參

功狗勲名問狗屠，高風排闥漢臣無。
淮陰已死黥彭醜，

梅莊詩鈔

卷五

三 東觀室

僥倖餘生仗呂須

樊噲

左袒強于百萬兵，詐謀久已薄陳平。
功臣子弟多頑劣，誰及將軍細柳營。

周勃

舌劍脣槍兩豎儒，何勞馬上說詩書。
九江南海齊歸漢，百戰將軍媿不如。

隨何 陸賈

枕上聽雨

一夜蕭疏雨，頻澆萬斛愁。
樓臺疑近水，枕簟頓驚秋。
倦似雛雛鶴，閒同浩蕩鷗。
忽聞歌欸乃，彷彿臥漁舟。

秋夜不寐

萬古詩魂喚不醒，蕭齋獨對一鐙青。
空階絡緯聲如織，

飽訴閒愁與客聽

贈楊蓮卿

淞

卽送之甯波用昌黎石鼓歌韻

山陰楊淞江海士醒眼看天發醉歌榮名千載期不朽
一官拋棄值幾何破屋勵志惜日短憤氣倒拔魯陽戈
琳琅金薤旣茫昧古玉豈用粗沙磨商盤周鼎秦漢碣
蟲書鳥迹胸中羅上追倉籀下斯邈峻嶒健骨巍峩峩
東馬嚴徐皆不賤子雲獨寐藏巖阿延譽每藉公卿力
矯俗不顧凡庸呵鄙薄墨豬工篆隸嶧山字畫久已訛
淵源鄧氏傳一綫孫洪與君殊斗嶸臨摹頃刻書萬本
倏如麟鳳忽鼉鼉惡如鬼魅森相向奇如壞木無枝柯
梅莊詩鈔

卷五

四 東觀室

短長肥瘠騁萬狀搖筆宛轉懸金梭丰神駘蕩眞超絕
褐裘公子非委蛇妻妾亦解識奇字朱顏皓頸儔英娥
自是君心有夙慧蜚聲姓字凌黃沱豈無文星持藻鑑
珠璧韜彩須隨和我友邊三與君好儲材待舉宏詞科
豎儒相士具肉眼迂拘謏陋奚足多紛紛餘子競薄宦
以馬腫背爲橐駝鰕生狂縱里所鄙草元亭上頻經過
班史荀子互質證六書疑義長相磋俯視近代共述古
角逐惡冑隨流波妙論侃侃震屋瓦經濟暢達無偏頗
詩賦亦非君所樂專營篤志矢靡他功名有命學有術
脂韋媚世徒嬰嬰干時乏策恐投畀侔色揣稱羞按掌

平生讀書不讀律自笑伏首陳編哦作傳恥乞丁儀米
學字休換義之驚勁敵當前張旗鼓犀兕遺誚棄甲那
壯士長揖辭易水茫茫眼底誰荆軻窮冬送窮復送友
風雪蒼莽吹關河四明狂客久相待君其命駕毋蹉跎
三月十九日同溫東川子翼嵇雲裳文錦邱小遲
家燦李采仙雲楣錢冬士步文丁柘塘晏高寄
泉繼琦李晴湖復洧徐浣雲文煥孔繡山憲彝
劇飲次日登車就道車中得七絕十章戊戌

蓬島仙人瘦骨寒溫岐皓首踞詞壇漢南真稟金荃集
都付清華舊史官

梅莊詩鈔

卷五

五 東觀室

中散奇才冠竹林人間誰識廣陵琴故鄉無限佳山水
難寫鍾期一片心

博士無端賦瘦羊邱遲名亞沈東陽自成機杼天孫錦
夢裏常生萬丈光

采仙真是謫仙才車笠相逢笑口開更有晴湖湖海士
蟠根對峙古金臺

江邊一曲詠湘靈愛我新詩眼獨青寄語韓門諸弟子
誰憐郊島尙飄零

儀廩文章妙斬新何如淮上有傳人千秋子建逢知己
屈宋心思託洛神

五十吟詩高達夫早將慧眼辨驪珠徵文攷獻傳畿輔
管領風騷古不如

羣欽徐邈聖中之燕市酣歌絕妙詞客底鶯花春又老
樓桑斜日照荒祠

東魯儒林第一家拏雲館主擅才華名山金石都探徧
舊研歌成萬口誇

袞袞詩才妙絕倫攢眉恥效捧心顰相如儘有耽吟癖
不是梅花社裏人

六月同張鶴賓毓芳李金坡翰登南城晚眺

共有登臨興秋生雨後天高城三面水斜日萬家煙市
梅莊詩鈔 卷五 六 東觀室

遠人聲寂村低樹影圓舊時芳草地亂泊打魚船

指點城南路波光接海光連天成水國繞郭度風檣縱
日添幽趣披襟納晚涼欲尋倪太僕詩卷付滄桑

巷口逢張仲樓頭拜郭公烏啼荒寺裏人語夕陽中庭
草可憐綠野花無意紅殘碑剛讀罷雨景又濛濛

良辰聚良友交道澹于雲沾水波千尺揚州月二分工
書張長史妙畫李將軍省識狂奴態中年更樂羣

秋夜

風露驚先覺青衫冷不秋簫聲茶客舫人語酒家樓缺
月銜山出明星作火流深閨當此夜默坐數更籌

夜至古寺

匆匆行腳客，酷似打包僧。
殿角埋荒草，簷牙塞古藤。
狐鳴樓上月，鬼語佛前燈。
敲破鐘聲寂，沙彌睡未曾。

懷人詩

細雨初霽，金風驟來。
羊徑落生，凶然無俚屈指。
舊侶近者，阻隔河山。
遠者迢遞，江海思同心而
不見。弔子影，其誰憐。
爰賦短章，聊以寫念芝仙。
雖相去咫尺，而蹤迹頗稀。
亦可懷也。

燕市飲漸離，爲我一擊筑。
怳慨發悲歌，歌聲出矮屋。
歸著老萊衣，盤中登苜蓿。

高寄泉

梅莊詩鈔

卷五

七 東觀室

南海有成連，移情結夢想。
古調不忍彈，知音世無兩。
空展摩雲翅，萬里獨來往。

余肅齋

同門五進士，知我獨農部。
本是布衣交，雲泥月相阻。
願張背水軍，偏師鬪旗鼓。

錢冬士

書生喜讀律，有志定不賤。
一作遂平宰，兩校中州彥。
應笑渴司馬，猶自林泉戀。

姚朗山

八載困京華，灑盡窮途淚。
經術與詞賦，舉世久擯棄。
獨鶴西南飛，得否栖身地。

馬鶴船

驪歌未暇唱，祖餞又相左。
思君何所願，願化梅千朵。
君入羅浮山，見梅如見我。

解秋皋

一枝五色筆有目皆知愛生平不作詩爲我曾破戒清
風幾時至望塵應下拜

邊心巢

梁園有舊客賈生年最少詩膽大于天今古誰同調和
者歌陽春一市人皆笑

邊袖石

玉署廿載住學士皆青眼不冝就參軍爲人寫手版勸
我勤學書此意良非淺

張虛谷

海士多豪氣須眉尤倜儻高眠互抵足快論爭鼓掌酣
醉酒家樓所遇皆僧馭

徐浣雲

君家白眉良蚤學畫荻字愛才盧相國聘君管書記如
何棄毛錐竟作指揮使

汪楓士

梅莊詩鈔

卷五

八 東觀室

子雲飄然去奇字無人問睥睨薄冰斯橫埽龍蛇陣四
明多狂客江海心相印

楊蓮卿

弱冠詞場中鏖戰屢拔幟小就貢成均然藜復校字蟄
龍得甘雨始遂攀鱗志

賀星槎

中丞有賢孫秀骨亭亭立吳下冝依人關中曾負笈他
日廊廟材是我舊車笠

徐楊芝仙

我愛楊盈川恥居子安後俠骨近今稀騷腸無不有秋
風吹君來痛飲黃華酒

楊茵生

不見王子猷忽忽已四載相隔萬里遠夢寐親文采海
濱多故人刮目久相待

王成言

樊家有雛鳳生就讀書種蒹葭倚玉樹顧盼殊矜寵一
自墮煙霧欲見每曳踵

樊鶴州

老樹爲吾師小樹爲吾友山海拓心胸詩情生戶牖身

騎白鳳皇雲中亂招手

梅小樹

禁煙行

罌粟花開香馥馥鴉飛不到嬰兒哭惡醮薰天帶血腥
流傳海內成酖毒姦蠻作俑閻羅愁泥犁獄底添新囚
蠻人載入居奇貨蚩氓乍睹疑骷髏脂膏鍛鍊勝媚藥
紈袴子弟欣然樂一槍刺死魂不知踞牀猶自誇豪惡
無端狎客來深庭臥游對語燈光青瘴霧蠻煙蒸醉骨

梅莊詩鈔

卷五

九 東觀室

黑甜初入晨雞鳴珍羞果腹色如荼鮮衣被體神似丐
彊者孱弱富者貧毒哉此物眞蠶蠹碧燐睽睽四十秋
幾見朱顏到白頭王侯第宅開新府花月笙歌歎舊游
君不見廣南之戰師無紀將軍印綬終朝褫蠹苗陷陣
撼山來甲士枕戈猶未起鴻臚一唱人鬼驚秦鏡照膽
空中明祇因片土搜天下非爲金銀塞禍阮燕齊吳楚
多循吏羽書旁午衝塵至報捷河東仗鴉軍論功霸上
同兒戲滄桑都變介推田禁到齊州九點煙京國奔騰
走緹騎廈門安穩泛樓船官役眈眈勢如虎閩閩紛紛
竄如鼠泥沙價抵千黃金可憐一炬成焦土從今汲引

休矜誇香火因緣滅萬家好頸頓教吞白刃血腔豈可
汚黃沙病囚苦拔心中棘餓魂甘舐刀頭密吁嗟乎百
年三萬六千日安能日日皆寒食

梅小樹來津應試補博士弟子員匆匆別去詩以
贈之

拔幟騷壇詡冠軍長虹吐氣自凌雲功名況味初嘗好
詞賦風懷久別殷凡馬羣中誰識我梅花香裏獨逢君
挑燈欲訴離情話祇恐淒涼不忍聞

關河雲樹莽岩巖乍見猶疑夢裏招昨夜吟魂風雨至
少年綺思雪冰銷瘦羊業占金閨籍雛鳳聲參紫玉簫
梅莊詩鈔

卷五

十 東觀室

別後相思付明月水天分照海門潮

書高寄泉畿輔拾藩錄後

己亥

十斛隄糜墨斬新笑他干寶枉搜神談元說鬼皆荒渺
誰及齊諧句句真

盲左文章萬口誇腐遷敘贊得專家怪君舌底青蓮粲

妙論流芬濺齒牙

時君抱微病
尙未痊愈

文心賦骨邁班揚海上風吹翰墨香慚愧相如封禪臺
怯排旗鼓鬪詞場

擔荷斯文肩息肩舊聞日下幕前賢幽燕趙魏新奇事
都借虞初卷裏傳

舟泊紅橋

殘月挂疏柳，河干動畫橈。雞聲催曉日，人語漲春潮。煙水喧魚市，沙灘茁菜苗。鄉音聞約略，舟泊大紅橋。

論詞絕句

樂府遺音久寂寥，謫仙新體創唐朝。詞家鼻祖傳千載，

合祀騷壇永不祧。李白

香山夢得與張王，流派無人較短長。名氏不傳詞更妙，

莫將豔體認冬郎。白居易劉禹錫張志和王建韓偓

獺祭曾嗤李義山，何如詞藻冠花間。雕瓊鏤玉金荃集，

小令爭歌菩薩蠻。溫庭筠

梅莊詩鈔

卷五

十一 東觀室

西川天子盡無愁，爭似王郎與孟侯。唱到冰肌無汗句，

摩訶池上氣如秋。蜀主王衍後蜀主孟昶

羈魂何日度函關，韋相神傷淚暗潛。絕代佳人難再得，

那堪填到小重山。韋莊

一卷瓊瑤妙翦裁，巫山雲氣雨中來。毛牛顧鹿皆浮豔，

誰及波斯李秀才。李珣毛文錫牛嶠牛希濟顧夔鹿虔

哀音亡國總堪嗟，惆悵江南小李家。金粉六朝流水去，

可憐玉樹後庭花。南唐後主李煜

五鬼才華數大馮，陽春歌罷曲彌工。劇憐庭院深深句，

竄入廬陵別調中。馮延巳

橘齋刺史黃州老未得行吟到汴京笑殺荆南高賴子

那知減字與偷聲

孫光憲

舞低楊柳樓心月歌盡桃花扇底風儻在三家村裏住

何能珠玉串玲瓏

晏殊

文章六一有丰神詞意纏綿更可親頗恨行間多褻語

砒砒混玉是何人

歐陽修

小山賦骨紹家傳神似高唐宋玉篇夢過謝橋參鬼語

竟邀青眼到伊川

晏幾道

忍教低唱換浮名井水村村學倚聲殘月曉風楊柳畔

教坊傾倒是耆卿

柳永

梅莊詩鈔

卷五

三 東觀室

拚改三中作三影俯觴度曲昵紅顏牡丹一闕銷魂否

贖得文姬返漢關

張先

逼人海雨激天風推倒詞壇一世雄洗盡綺羅兒女態

銅琶高唱大江東

蘇軾

殘陽鴉點水邊村目不知丁亦斷魂黃九那如秦七好

休將學士抹微雲

秦觀黃庭堅

一寸芭蕉易惹愁橫塘臺榭水東流滿城風絮黃梅雨

腸斷江南賀鬼頭

賀鑄

省識東堂絕妙辭坡仙心賞幾人知平分此恨無言語

詞客何容媚太師

毛滂

鎔鑄詩歌妙入神詞家牙曠是清真傷心衣袂東風淚
洒溼蘇州岳楚雲

周邦彥

插天翠柳月明高饒有髯蘇意氣豪不食人間煙火語

東都名士溷漁樵

朱敦儒

一段離愁付畫眉搓酥滴粉太情癡老來重上西湖路

彷彿邯鄲入夢時

左譽

惜香樂府號仙源恬澹高風萬古存寄語吳興松雪老

姓名慙否趙王孫

趙長卿趙孟頫

誰信詞人老戰場忠肝義膽溢騷腸玉環飛燕皆塵土

此語安能悟壽皇

辛棄疾

梅莊詩鈔

卷五

三 東觀室

南渡無人說中興狀元忠憤氣填膺千金一字于湖集

來歷何人注少陵

張孝祥

縫月裁雲推妙手敲金戛玉詡奇聲詠梅絕調高千古

豈止詞華媲美成

姜夔

劍南詞筆闢仙根修月全無斧鑿痕卻怪時時掉書袋

驚他枵腹過雷門

陸游

賓王癡語勝蒲江迥異梅谿與草窗神妙未經人道過

羣花作夢句無雙

高觀國

警邁瑰奇自一家織綃泉底淨無沙甘心枉作權奸用

平睨方回未足誇

史達祖

玉林綵筆擅詞場手輯花菴細品量冷煖自知工琢句
晴空冰柱鏤秋房

黃昇

片玉真傳得異才眩人七寶幻樓臺知音獨有周公謹

頻聽贛洲漁笛來

吳文英周密

竹山名共碧山傳蒼莽悲涼有玉田白石老翁相鼓吹

賦成春水倍淒然

蔣捷王沂孫張炎

任他謠詠嫁時身巾幗叢中第一人魯國男兒爭下拜

瓣香供奉滿花神

李清照

吳郎樂府名天下江北爭傳人月圓底事烏衣新燕子

不來王謝舊堂前

吳激

梅莊詩鈔

卷五

西 東觀室

遺山詩派踞金源中調尤多感慨存更有嗣音天籟集

令人一讀一銷魂

元好問白樸

讀罷蛻巖長短句不禁掩卷費疑猜外孫藎曰饒餘韻

卽下無人解愛才

張翥

紫色蜚聲儘唱酬朱明一代廢歌謳千秋絕學傳三傑

竹垞梅村湖海樓

朱彝尊吳偉業陳維崧

盧南石相國師輓詩

夜半孤南墮斗牛魂騎箕尾赴神州清門累世推王謝

相業從來出魯鄒竟許鯁生參末座不容豎子廁通侯

到今纔醒黃梁夢誰向祠堂覓枕頭

祖帳驚聞薤露歌，感恩不禁淚滂沱。文章知己人間少，詞賦成名世上多。一代直聲今汲黯，三朝宦蹟古蕭何。瓣香供奉終身事，青史功勳永不磨。

哀集董梧侯師遺稿愴然有作

天欲斯文喪青衫，共叫號恩同滄海。闊仰失泰山，高智慧三生業風流。一代豪等身留著，作展卷淚滔滔。

絳帳追隨久，緇帷感激真。劇談皆學問，嘲諢亦經綸。青

眼邀諸老，鄭夢白葉筠潭兩方伯伍實生中丞許滇生少宰管蕉軒廉訪尤見器重朱衣妒

此身九原難瞑目，堂上有慈親。

魂魄飄然去，英靈何處尋。半生艱一第，八卷抵千金。古文

梅莊詩鈔

卷五

五 東觀室

二卷詩四卷詞二卷短調懊儂曲，長歌梁父吟。嵇琴從此絕塵世

少知音

剗剗何年事，常留翰墨香。文章無敵手，豪俠有剛腸。人豈科名著，才難升斗量。問天天不語，對此歎茫茫。

春秋傳樂府

黃泉誓

寤生真可惡，忍教老母黃泉住。考叔純孝知，有母寤生對之慚。愧否有弟，有弟難餬口。賢哉太叔，能暴猛虎。弗傷手足，吁嗟卒中陰。謀毒陰謀毒，請計姦闕地入隧。融

融然今日扶母出，黃泉他時射王誇。中肩

營菟裘

魯息姑太姑息不尸其位學讓國營菟裘吾將老何如
臺畔觀魚好祭鍾巫齋社圃變生肘腋由羽父攘兄臂
襲君位許田百里輕拋棄如齊笑飲諸兒酒登車竟死
彭生手

王心蕩

天方授楚漢陽同罹刀兵苦絞輕隨侈荆尸舉心不固
舉趾高莫敖之敗狙蒲騷王心蕩王無祿楚王死楚國
福營軍除道薨櫨木不謀婦人宜其死吁嗟乎鄧曼智
勝奇男子

梅莊詩鈔

卷五

六 東觀室

及瓜代

青齊亂政無重賞葵邱之戍瓜時往及瓜期戍不已綏
綏雄狐見大豕射之人立啼聲哀門階牀戶屍成堆無
知旣殺小白來及瓜而代胡爲哉小白來出霸才

堂阜囚

爾射我鈎我稅爾囚稅爾囚霸諸侯朝爲階下俘暮爲
朝中佐生平鮑叔能知我齊桓才亦庸流亞假非管仲
焉能霸君不見仲父死桓公薨尸蟲出戶五子爭

公傷股

六鷁退飛隕石五商邱妖孽應茲父門官殲盡公傷股

公傷股愛二毛鼓儻阻隘休持刀仁義之師戰泓水何如次睢不用淫昏鬼

河陽狩

駢其脅鹽其腦十九年人未老艱難險阻備嘗飽左鞭
弭右橐鞬取威定霸來中原來中原召天子河陽之狩
汗青史青史勲名剛八載生平恩怨今安在牛聲出柩
墨經興戎重耳死後猶英雄

賦黃鳥

嗟嗟秦穆不及蹇叔中壽木拱收兒骨二陵風雨聞鬼
哭聞鬼哭三帥歸悔過作誓行無違既不殺三帥何以
梅莊詩鈔
卷五
七 東觀室
殲三良子車爲殉人云亡但聞交交黃鳥啼枯桑

小園初秋

瞥眼秋如此園亭雨後天枯蟬隨葉落瘦蝶抱花眠細
熨衫痕皺輕拋扇影圓劇憐貧士態憔悴晚風前

贈樊文卿之官楚北

滿城風雨故人來聽唱驪歌笑口開七載冷官辭苜蓿
一時名士出蒿萊論文曾校三倉字製錦方儲百里才
此去黃州尋舊蹟傍江應築仰蘇臺

浣花書屋已荒涼二十年前舊講堂衣鉢關心詢羯末

謂葵生詩文刮目譽元方家傳翰墨雕龍手人許功名

逐鹿場賤子未知能仕否早窺宦海歎茫茫

何必紗籠詔木天青袍黃綬亦神仙賞花莫負陶潛酒

煮茗重尋陸羽泉泉在蘄水北鳳棲山下指望飛鳧傳日下眼看

雛鳳起雲邊詰嗣月槎景恆晴滄景升題襟沾上人何在傾倒騷壇

倍惘然梧侯師去冬謝世

子雲亭畔叫提壺燕市欣邀舊酒徒佳傳覓來千斛米

宦情贏得五車書果能到處稱廉吏差免逢人說腐儒

滄海鰓生翹首望雁聲莫遺落江湖

後禁煙行

煙花風月小揚州滿地寒鴉噪不休白水淘乾千巷哭

梅莊詩鈔

卷五

五 東觀室

黃金括盡萬家愁將軍自附炎炎勢大張網罟矜才智

屢見殘煙惡鬼銷復看餘焰姦回熾羯奴生小不知兵

百萬軍中竄姓名猿鶴幽魂難破敵犬羊素性枉干城

口碑載道千人指北門鎖鑰今如此賣劍烹烹渤海牛

拔刀怒殺遼東豕早知馬上見功難何若煙中振羽翰

土偶素餐誰畫策火攻拔幟獨登壇武夫一倡書生和

貪狼曾在中山臥蠅營苟苟慕腥羶同誇悖入多財貨

壞雲片片逐啼鴉營卒喧豕晚更譁毒瘴濃迷三里霧

輕煙搜徧五侯家黔黎蒼赤藏無地黑爐白墳爭拋棄

買燈鑽火誘愚氓向人詡詡稱廉吏大風吹海作波濤

白馬岡頭殺氣高，商賈萬金誰攫去。太湖不信出楊么，將軍聞之心膽裂。畫疆分境空饒舌，戰艦爭逃水上軍。好官怕飲刀邊血，盜鈴掩耳苦支持。藉口當年撤水師，海寇難擒恣游奕。土民易罔半羈縻，土農工賈驚騷擾。株連瓜蔓何時了，萑苻小醜儘跳梁。偃旗息鼓無人討，穹蒼震怒驅祝融。飄煙焰來東風官衙倏變紅，羊劫彷彿曹瞞赤壁攻。回邪喪魄回祿喜，煙銷火滅鴉飛起。愛妾無端井底投，佳兒何故阬中死。噫嘻乎鄂王兩語至今傳，武臣不惜死，文臣不愛錢。勳垂竹帛名燕然，海門烽火看全埽。永禁千秋萬古煙。

梅莊詩鈔

卷五

九 東觀室

冬日書懷

雄踞詞壇久，窮冬氣更豪。打窗風雪亂，欹枕夢魂勞。才不文章重，書因篆隸高。埽除名士習，飲酒讀離騷。

歲暮送竹生弟入都

莫灑青衫淚，窮途笑口開。人情休怨命，天意總憐才。瘦骨猶能壯，雄心不可灰。春風吹馬首，重會古金臺。邊徼荒寒地，書生免一游。中年當折節，塵世且埋頭。青眼終能遇，黃金莫漫畱。防身三尺劍，羞說報恩讎。

梅莊詩鈔卷五

男復光校字

梅莊詩鈔卷六

庚子辛丑

三庚集

天津 華長卿 枚宗

題結網圖爲漁莊弟

長庚作

楊柳依依綠到門
桃花漲煖上河豚
隔溪網曬斜陽裏
髣髴江南第幾村

且聽滄浪醉後歌
得魚何必計多多
龍門躍出琴高鯉
不受人間舊網羅

宮保少司空汪筠溪先生侍妾楊蔡二姬同時殉

節詩 庚子元夕事

火樹銀花照金谷
罡風吹折雕梁木
大星墮地小星哀
梅莊詩鈔

卷六

一 東觀室

月華慘澹姮娥哭
嬾昏葵黯寒無光
紅閨夢魘雙鴛鴦
鬼燐夜閃素幃冷
蝸蟻對繫朱繩長
英皇聞之輒然笑
杜鵑啼血黃陵廟
翠竹搖風淚點斑
凌虛環佩來同調
差池燕燕飄芳魂
美人攜手哭聲吞
願作芻靈殉同穴
一死非報司空恩
投繯烈魄登天府
綠珠歌罷紅綃舞
桃根桃葉綰連枝
枯盡花容香萬古

花朝後二日袖石來津促余北上詩以贈之

名士困畎畝朝端多豎儒
衡文誇藻鑑目瞠
四子書豈無巨眼
人光怪搜遺珠
愛才不愛盡
抱璞泣半途
滄海千金椎胡爲中副車
差喜元方兄捷足
得前驅覆試靈

光殿妙筆冠鴻都詩人暫駐足
擘船來津沽到門問詞
客入市邀酒徒知音世有幾
嗜好若合符賤子甘埋頭
長年守蓬廬榮名何所貴
才高德不孤蒹葭倚玉樹
小巫見大巫慙媿騷壇中
一時推亮瑜雖未絕塵奔
尙能跬步趨旗亭一杯酒
良言寫贈吾前程須努力
當代有歐蘇莫學厭厭人
李志與曹蜍

登車口號

又踏長安道東風撲面涼
離情甦弱草春色殫垂楊
隄東長河窄沙蕪曠野荒
何人開水利辛苦問耕桑

時春帆方

伯抵津勘營田事

梅莊詩鈔

卷六

二 東觀室

蔡村早發

月墮明星炯風尖吹未休
斷碑蹲似虎叢樹吼如牛
遠火來新鬼殘更到戍樓
巾車有詞客獨自擁征裘

謁文丞相祠

柴市風沙捲地黃狀元枯骨至今香
河山半壁支閩粵海嶠中流哭陸張
大漠幾人歌正氣小樓終古贖殘陽
東南望斷冬青樹魂魄惟知拜宋皇

刀頭一笑血淋漓人死留名豹有皮
漫道書生難破賊斷無豪傑不能詩
零丁洋畔風霜苦惶恐灘邊雪浪吹
廿一史從何處讀此心祇有壘山知

都門詠懷古蹟

薊門煙樹鬱蒼蒼春色晴烘萬柳堂若問名花誰第一
豐臺芍藥壓姚黃

燕市悲歌意氣豪再來難覓舊荆高一腔熱血酬知己
鐙下摩挲看寶刀

駿馬羣空抱此心高臺何處鑄黃金瘦餘猶是驍驕骨
寄語孫陽莫浪尋

招涼豈有夜光珠都向城南問狗屠莫道儒生無妙策
滿天風雨讀陰符

延壽寺

宋徽宗被虜居此

梅莊詩鈔

卷六

三 東觀室

烽火倉皇出六宮道君行色太匆匆回頭良嶽成荒窖
翻羨燕京景不同

王氣東南尚未休渡江呼馬莫呼牛劇憐一片西湖水
付與佳兒汗漫游

碧瓦朱楹夕照黃汴京天子鬢如霜河山拋卻無須戀
想到師師最斷腸

五國城邊夜月明青衣行酒太多情到來深感金人德
不遣官家執戟行

衣生蟣蝨劇堪憎夜夜傷心伴佛鐙幸有闍黎耽翰墨
和南索畫九秋鷹

紅牆一帶臥明駝世界琉璃蒼翠多車馬紛紛城北路
無人重問宋宣和

楊花四首用漁洋秋柳韻和陳慕青夫人作

兩度春光總斷魂東風搖曳滿都門攪成晴雪空留影
捲入殘陽不見痕芳草碧黏橋畔路澹雲白糝水邊村
顛狂情緒誰相妒漫與羣花一樣論

叛兒歌罷幾經霜今日相逢太液塘眉黛輕盈羞作畫
腰肢瘦損怯開箱冑垂青眼觀桃李欲染烏衣問謝王
墮落泥塗悲鍛羽那堪重過鬪雞坊

揉雲搓雪點征衣驚覺三眠夢已非風雨旗亭行客少
梅莊詩鈔

卷六

四 東觀室

鶯花門巷舊交稀半隨流水漂搖去又逐殘紅歷亂飛
轉盼陌頭春似海再來休與故人違

顧影依依祇自憐官牆咫尺隔鑪煙子規聲裏初飛絮
紅粉樓頭漸脫綿茵溷何須傷往事萍蹤曾否憶當年
東皇雨露勤培養莫遣飄零大道邊

六月初一日作

罡風摧大廈震瓦哭聲哀骨肉誰知己家庭頗愛才竹
林增涕淚花萼會泉臺駿足鹽車負慙子薄笨材

苦霖行

怪龍跋扈瘦蛟舞龍蛇吸盡黃金浦雷電轟轟轉火輪

銀潢倒瀉甘霖苦春間田麥旱成災旱魃嬉笑農人哀
仰天看日悲祈雨縣官祈雨狂風來桑林不禱雨聲起
一旬兩旬雨不已似傾東海助波瀾雨中夜哭多新鬼
屋瓦亂震排壞牆人聲鼎沸雨更狂東山崩裂西山倒
壓死老穉尸骸僵萬間廣廈成坑坎產龍沈竈城門掩
可歎愚氓死不知齋身粉首遭奇慘吁嗟乎既死冤魄
何處鳴未死餓勾神魂驚衝風冒雨荷戈去努力海邊
方用兵

雨夜

風雨從天降銀河水倒流平吞牛女恨銷破鬼神愁兵
梅莊詩鈔

卷六

五 東觀室

齋中讀書有感而作

賸得三椽舊草廬無多產業數編書腹藏奇字飢難煮
心醉殘經懶不鋤身賤屢增兒女累家貧更覺友朋疏
茫茫前路愁何益杯水難甦涸轍魚

秋夜感懷

消盡相如渴家徒四壁空孤燈吟夜雨老屋識秋風鏡
裏頭將白刀邊血不紅耽詩窮徹骨依舊未能工

談兵

四海承平久忽聞刁斗聲亂鴉驚過客疲馬戀孤城巧

擅封侯骨愁生大將營罪言多妙策掩耳怕談兵

中秋對月用東坡定惠院寓居月夜偶出韻

海邊明月東南來好景一年數今夜琉璃世界天公鑄
素魄清光澈上下斗牛瑟縮眾星死銀漢已涸波難瀉
良宵寂寂宵照人蟾蜍不讓跋烏亞顧影有誰知自愛
過去光陰那容借塵世繁華轉眼空中丹桂無時謝
安得置身廣寒府九州一覽如同舍無奈前路黑似漆
佳境未到苦食蔗搔首問天天何言舉杯邀月醉不怕
但願對之無媿色笑譚一任庸夫罵

雜詩

梅莊詩鈔

卷六

六 東觀室

南面攤書擁百城先生祇以酒爲名滿腔憂憤何來喜
驀見蠨蛸墜短檠

亭外荒池賸敗荷晚花開到翦秋羅翩翹冷蝶零星粉
猶逐殘香上下過

雕龍刻鶴幾時休漫道中書尙黑頭贏得虛名生兩角
吐涎作篆似蝸牛

紅蓼花開列繡屏綠蜻蜓間紫蜻蜓夕陽欲墮風初起
腐草堆中露一螢

怪石峻嶒潤蘚皮清泉灑灑瀉深池壞牆褪粉描成畫
時見輒紋走蛤蜊

黠鼠無端解食鹽養成羽翼福新添黃昏月黑飛蝙蝠
暗逐星光出短檐

茶餘無事繞空廊差勝曹騰臥竹牀滿院濃陰人迹少
綠莎階畔墜蜂房

暮雨初晴漲小谿殘霞倒影作虹霓蚰蜒滿壁書蚪斗
膈膊聲聲象竹雞

老蠶蛻繭出飛蛾甕水緣邊坐碧螺別有阜螽聲聒耳
竹籠露冷叫哥哥

衰柳陰中噪晚蟬殺心忽伏七條絃螳螂縱有藏身巧
挾彈難防暗裏弦

梅莊詩鈔

卷六

七 東觀室

誚爾荒經腹笥虛疑塵滿席半牀書鞠通脈望皆仙去
剩有蠶蟹學蠹魚

鼓吹門庭兩部蛙池泥沒鼈躍蝦蟆雨酣厯亂喧通夕
酷似羣僧誦法華

漫言綠蟻勸提壺捷徑能穿九曲珠蚯蚓魚緣誇得計
一生辛勞在泥塗

種花籬畔豆花濃蟋蟀聲中綠草茸不是半間堂上客
亦來踞地鬪秋蛩

堪恨青蠅早市催白蚊日暮鬧成雷天生一樣貪饞性
只爲趨炎附熱來

松柏無心冒兔絲寄生小草徧荒祠花間果羸螟蛉負
抵死猶爲異姓兒

蟲傷禾稼苦農人結隊喧呼罵蜡神冑把青蚨買蝗子
早秋天氣飼鷓鴣

蜜官爭採百花香醞釀甘飴味似饴堪笑轉丸矜智巧
半生逐臭是蜣螂

儘有絲綸貯腹中蜘蛛空負織機工可憐密結羅羅網
祇得人間蚱蜢蟲

磨蠍身宮志尙豪雕蟲小技歎徒勞一編爾雅君休誤
漫把蜉蝣當螬蝥

梅莊詩鈔

卷六

八

東觀室

次韻葵生卽事書懷

傀儡登場莫改圖紅綾餅餤列仙廚因人成事眞名士
與我無緣是腐儒愛客不忘投筆吏結交曾識守錢奴
陶朱猗頓今何在漫笑書生伎倆無

十年辛苦赴長安銷受東風撲面寒識曲屢遭公瑾顧
知音羞對伯牙彈悔無殊藝傳三絕薄有虛名說二難
日下鶯花春似海再來休作布衣看

南風行

南風吹海平如砥蠻煙未斷烽煙起百丈朦朧破浪來
電光石火奔雷駛大嶼山邊戰鼓擗跳梁封豕走長蛇

汚人銅臭腥膻飽列陣紛紛噪晚鴉當年瓊島疏防檢
貳師鬻地亡天險尺土能收百萬金引狼入室門難掩
澳門鼎沸廈門孤節鉞張皇一策無巾幗叢中慚鄧曼
梅花香裏夢林逋煙焰薰天賊計譎粵東轉戰趨閩浙
颶風猛烈巨濤狂可憐定海盈城血寡謀張郃想奇功
撤守雄師伏莽叢馬上那知談將略書生籌畫薄姚崇
武夫復諫城難保忠魂神往田橫島猿鶴蟲沙頃刻奔
如逢倭寇驚騷擾烏衣公子欲揚威三匝盤旋鵲不飛
往日太平工粉飾臨時籌策冷書幃蠻軍猖獗飄洋走
登萊鎮帥能堅守揚帆萬里逐秋濤乘風直到津沽口
梅莊詩鈔

卷六

九 東觀室

森森芒角動欖槍旁午軍書鐵騎忙三百乞兒充一隊
揭竿擁盾雜戎行將軍戰陣初經略恐懼臨深如履薄
祇飲瓊筵一勺羹預儲敗鐵千家鏤紅衣火礮守墩臺
怕聽聲聲畫角哀變理陰陽眞宰相解圍全仗雨師來
決計沈舟需破釜三旬淫潦商羊舞避暑深藏高士家
荷戈誰識愚民苦泥塗跋涉夜深行不戰何須屢調兵
雷電轟殘韓信壘甲兵洗淨亞夫營幸有奇謀出微弁
海濱亦學鴻門宴對席何勞犬豕爭犒軍不憚牛羊獻
開門揖盜禮僬僂兩紙蠻書萬手鈔刁斗聲從雲外息
兵戈氣向雨中銷卸肩粵海非心服巨鼇漏網將軍福

旣船柁轉指南車夜叉憤怒鮫人哭昨朝海畔熾妖氛
九里孤城守護勤拔薰不遵閫外令登陣都是火頭軍
折臂營兵脫征調道旁側目掀髯笑舊衾做袴與殘軛
于今都作軍需料臨陣從來貴用柔攻心何必費奇謀
虎鬚燕頰封侯骨且向炎方擁八騶戰船乍退三軍慶
出沒不測猶難定一夕謫傳復戒嚴倉皇老卒思逃命
盧循膽裂怒濤寒鄭錦魂亡巨浪乾鑿齒雕題眞小醜
肯勞卿相屢登壇彈丸失守無人惜浙門未見馳飛機
毒霧眼看滅蚩尤瘴煙仨盼殲長狄誰是淮陰大將才
海邊莫遣戰場開南風不競北風勁吹阻樓船永不來

梅莊詩鈔

卷六

十 東觀室

除夕作

脫卻青衿已十年冬烘猶自擁寒壇漫誇詩草眞無敵
獨與梅花最有緣歲月漸催塵世改文章不讓古人傳
策名薄宦知何日一笑銜杯莫問天

正月初九日馬頭遇雪

辛丑

一白連天地銀光耀馬頭隔河茅屋矮夾岸玉山稠
徑埋深轍巾車擁敝裘劇憐行路客疑泛剡溪舟

曉過吳家營

顛簸輪蹄鐵詩人凍不勝病羸涎濺血疲馬汗成冰
野曠風如刃天寒月有棱吳營何處是遙指半明燈

贈宋理門明經廣

春光又到豔陽時
良友相逢合詠詩
轉盼枝頭紅杏鬧
雲箋寫徧子京詞

熒熒鑪火映燈光
紙帳梅花夢亦香
消受布衾寒似鐵
有人風雪話連牀

竹屋松窗月影清
快譚容易到三更
梅花又得新知已
鐵石心腸宋廣平

騷腸賦骨笑狂奴
握管欹斜意氣麤
蓮品蕩心誰寫得
斯人端合住菱湖

出都口號

梅莊詩鈔

卷六

十一 東觀室

帶甲滿滄海
征車怕載兵
十千求劣馬
偷過亞夫營

送郭筠孫孝廉師泰之舞陽

紅杏飄零折柳枝
送行風景斷腸時
知君愛我情無盡

寫遍梅花一卷詩

十友詩編抄
選批詩獨多

羨君謨箸等身多

著有滌襟樓四種
古文所見錄等集笑殺經生鐵硯磨

投筆祇謀升斗計
一肩行李渡黃河

欲尋古蹟問荒邱
屠狗英雄絳灌儔
海角大風歌猛士

于今卻憶舞陽侯

舞陽有樊噲冢

看人先著祖生鞭
廉吏兒孫不值錢
萬斛離愁何處訴

相逢休待甲辰年

送徐楊芝仙明府 文保 之官蜀中

東海有佳士西川爲宦場
潼關秋色老劍閣暮雲涼
工部詩名大坡仙翰墨香
更期作循吏漢代有龔黃

未遂登瀛志都緣一字差

朝考已入上選因佳韻誤用差字被黜

醉辭燕

市月飽看錦城花芸牘朝聽訟蒲鞭午放衙
古來名將相先要到三巴

我亦風塵客輸君早出頭
離情彈別淚舊雨動新愁
江漢眞羈旅乾坤有釣舟
槿花桃竹路何日快同游
恕我狂奴態相交已十年
論文曾對酒掃筆共攤牋
此別皆前夢重逢問後緣
囊中藏錦句莫貯宦途錢

梅莊詩鈔

卷六

十一 東觀室

秋興八首追和杜工部元韻

潮滿江湖煙滿林
琅邪柳色已森森
西風橫掃千間廈
殘照空留半畝陰
歲月蹉跎悲壯志
科名毘毘損雄心
平生恥作牛衣泣
杵臼聲中賦藁砧

霜緊天高雁陣斜
澄清攬轡看中華
漫隨李白眠燕市
擬學張騫泛漢槎
樓上何人吹短笛
海邊幾處動哀笳
遙知南粵田千頃
罌粟猶開豔豔花

在山小草慕春暉
腸斷彭咸叩紫微
捧日有心朝北望
摩雲無翅向南飛
趨炎豈肯因人熱
好古何妨與俗違
跌蕩天門高萬里
那知民瘼宰官肥

羊曇乞墅賭輸棋猿鶴吞聲草木悲漫道淮陰眞善將
可憐顏駟不逢時零丁戰士牙檣亂旁午軍書羽檄馳
試問秋風何處起萼羹鱸膾動鄉思

戴笠相逢飯穎山詩人終不老林間莊光未必甘垂釣
梅福何心隱抱關豔羨六曹書鳳諾妄希三載覲

龍顏竹林舊友須珍重好護他年玉筍班

干戈叢裏募蒼頭城郭誰知海外秋黃土搏成媧后恨
朱提買得杞人愁火光閃爍堂前燕雲影漂搖水上鷗
相業何如賈秋壑

天威不許到杭州

梅莊詩鈔

卷六

三 東觀室

挾策書生詡立功一韓一范在軍中刀頭痛飲賢人酒
臺上狂歌猛士風野菊開殘朝露白亂鴉啼帶夕陽紅
無衣儘有同仇志莫賦新豐折臂翁

聞說梁園路邈迤桑田萬頃盡成陂生同狡兔營三窟
死共鷓鴣借一枝奇句敢邀東野和佳文休向北山移
海氛河患誰能靖長使鰥生淚暗垂

諸將

粉飾太平久朝端誰解兵將軍難靖逆巨寇任橫行黯
澹干戈氣悲涼鼙鼓聲海氛今復熾痛哭五羊城

不戰亡香港忠魂赴上游關軍門虎門屍徧野鳳嶺血

成溝袖手皆良吏攻心乏遠謀軍中諸將相誰釋

九重憂

粵秀山前路凌虛若有神颶風銷海市靈雨靜邊塵金

鑄公侯膽瀾翻太守脣

廣州守余保純四次議和

論功膺上賞慚愧

義旗民

聞道廈門失風檣又北來寧波兵力弱定海戰場開四

鎮蟲沙集

葛雲飛王錫朋鄭國鴻皆戰破獨余步雲一軍尙全

三軍援鶴哀可憐

名將後

裕魯山制軍爲定西將軍班公孫

含笑入泉臺

老將猶耽色庸臣祇愛錢紅衣吹礮火碧海起烽煙募

選千鈞弩安排萬里船書生能破虜碣石卽燕然

梅莊詩鈔

卷六

西 東觀室

哭升兒詩

辛丑十月四日四子升兒殤竹生子芸年十一

矣亦於是日同時殤越五日筠莊次子連寶又

殤余兄弟時運何相若耶作詩以哭之

窮愁世界哭佳兒和淚濡毫又詠詩低問山妻曾憶否

酉年人日降生時

兒生于戊戌正月七日尙未立春也

昨宵猶聽笑言頻泡影空餘夢幻身底事天公情太忍

無端奪我石麒麟

嶄然頭角白眉良僕媪爭誇馬幼常生恐傳家書種絕

羣兒誰紹舊青箱

讓梨推棗儘多才頃刻曇花過去來竹馬紙冠諸戲具
可能攜取到泉臺

鏗前顧影似童烏亦學諸兄夜讀書翰墨留香沾齒頰
拈毫伸紙亂鴉塗

玩器歸貽笑語歡牽衣亦欲到長安言猶在耳喃喃說
問我何時始得官

里謠酤酒喚哥哥靈氣銷亡一刹那心血數升嘔已盡
見以痘疹未
出嘔血死
寫留餘瀝贈詩魔

同抱西河痛最深謂筠莊
竹生阿芸阿寶共招尋風摧玉樹
亭亭折腸斷人間老竹林

梅莊詩鈔

卷六

五 東觀室

辛丑冬日重讀滇游日記率題三律留別成言

萬里家山遠三年道路忙滇池晴漲煖沾水凍波涼舊
雨成今雨元方伴季方秋風知己少重作校書郎甲午
挑取

膳錄庚子
復經挑選

飽啖風霜味青年屢壯游灘聲魚腹急月色洞庭秋花
鳥窺吟筆江湖送客舟春光長若此一曲錦纏頭
交誼澹能久詩懷窮轉深老添行腳債寒釀遠游心舊
學虛名誤新愁短髮侵秦淮花萬朵何日共追尋

梅莊詩鈔卷六

孫鐸
梅莊詩鈔

